

grasschen ierlichs zcinses zcu der gnanten cappellen zcu Radeberg geeeygent gewest ist vnd gehort hat, mit vnser gunst willen vnd wissen vnder eynander vereynet vnd vertragen habin, also das dii gnante Hottergasse zcu Pyrne mit den gnanten acht schillingen grasschen ierlichs zcinses den gnanten vnsern burgern vnser stat Pyrne uff ir rathuß furdermehr genczlichin zcustehn sollen, also das sie den zcins uff ir rathuß ierlichin infordern vnd uff nemen sollen —, da kegen dii gnanten burgermeister ratlute vnd burger zcu Pyrne dem gnanten ern Gebeharden Wolfgange iczunt besiczter der gnanten cappellen vnd hirnach eym iglichin besiczter derselbin cappellen — alle iar ierlichin uff sanct Walpurgan tag von yrem rathuse reichin vnd gebin sollen ouch achte schillinge guder misner grasschin —, darober ouch eyn iglicher besiczter der — cappellen — vnser burger zcu Pirne nach die lute in der gnanten Hottergasse gesessin furder nicht meher anlangen nach bedrangen sal —, das sie dann von beiden partyen ewiglichin also stete vnd ganz halden sullen. Das wir das also von vnsern furstlichen gnaden bestetiget habin vnd bestetigen mit crafft disses geinwertigen briues, das die gnanten vnser burgere die gnanten acht schillinge grasschen eyme iglichin besiczter der gnanten cappellen uff vnserm slosse Radeberg gelegen ewiglichin reichin vnd gebin sullen in massen als vorgeschrebin stet —, des zcu rechtem orkunde vnd mehr sicherheit habin wir vnser eigen ingesigel wissentlichin an dissen vnsern offen briff lassen hengen. Hirbii sind gewest vnd gezugen die gestrengen vnser liebun getruwen vnd heimlichen er Ditherich von Wiczleibin, er Busse Vicztum rittere, Hans von Polenczk vnser lantuoit, er Thomas von Bottelstet vnser Oberschreiber vnd ander gloubwirdige lute gnug. Gegeben zcu Dresden noch Cristi vnsern herren gebort virezen hundert iar darnach im nuen vnd zewenzigsten iare am sontage Bonifacii.

Nach dem Orig. im Rathsarchiv zu Pirna mit dem Siegel des Landgrafen an einem Pergamentstreifen.

Die Bekenntnis- und Zusicherungsurkunde des Raths zu Pirna von dems. T. in gleichzeitiger Abschrift im K. Haupt-Staatsarchiv zu Dresden.

No. 98. 1430. Zu Beginn der Ernte.

Der Rath überträgt dem Niclas Rentzsch die Verwaltung des Hospitals auf 12 Jahre.

Wir burgermeister vnd rathmanne geswornen der stad Pirne bekennen —, das wir myt willen vnde wissin vnser eldisten vnd der virmeister vnser stad spitel hyn gelassin habin deme vorsichtigen manne Nyelas Renczsche vnserm mitteburger ym vnd synen erbin, das er das spitel ynnehaben sal myt allir syner zugehorungen czinssen egkern wesin gehulzen, alz das vor alder bis her gelegin vnde gewest ist nichtis vßgeslossin, vnde sal das innehaben czwelff ganze iar allis noch enander folgende vnuorruckt alzo von gebunge dis briues, das er deme getruwelichin vorstehin vnde erbirlichen vorwesin, alze wyr ym des gantz vnde wol zcu getruwen, dorvmb das er yn dem spittele halden sal kranke arme leuthe uber iar alzo vil, alze der stad rath dirkennet, das er von den gutern gehalden mag, vnde sal den gütlichin thun myt essene vnde myt trinken vnde das alzo halden, alz das vor alder